

經濟

宋

王剛中字時亨豐樂鄉人紹興擢進士名試剛中對法祖宗厚風俗願事事以太祖太宗真宗仁宗爲法高宗喜曰可謂練達故實者矣親擢第二秦檜怒其不詣已抑授洪都教授檜死召見擢校書郎遷著作佐郎孝宗爲普安邵王剛中兼王府教授每侍講極陳古今治亂之故君子小人忠佞之辨遷中書舍人言禦敵今日先務敵強則犯邊弱則請盟今勿計敵之強弱必先自治擇將帥蒐戰士實邊儲備器械國勢富強將良士勇請盟則爲漢文帝犯邊則爲唐太宗上韙其言會西蜀謀帥上曰無以逾王剛中矣以龍圖閣待制知城都府制置四川臨遣錫出等笏進敷

文閣直學士時蜀帥吳璘積勳伐其下姚仲王彥輩亦建節雄一方守帥以文治則玩于柔而號令不行以武競則宰于暴而下情不通惟剛中檢身以法示人以禮不立崖塹馭吏恩威並行羽檄紛沓從容裁決皆中機會敵騎入大散關人情洶洶剛中跨一馬夜馳二百里起吳璘于帳中責之曰大將與國義同休戚今大敵壓境可高枕卧耶璘大驚又以蠟丸書抵張正彥濟師西師大集金兵敗走方議奏捷剛中倍道馳還謂其屬李燾曰將帥之功吾何有焉燾嘆曰身督戰而功成不居過人遠矣已乃擇將士惟衆所推者上之朝備統帥選又疏蜀名勝士與幕府之賢備部使刺史之佐目使願指內外響應諸汰遣使臣困不能存剛中以爲昔皆冒矢石今老斥棄不堪善射者復

